

مجله دانش اسلام

سر ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیة در
اتبعون اهدکم سبیل الرشاد صاحب و مدیر مسئول : ح . اشرف ادیب

خطاب روح

عثمانی دلاور لر نه

آج دیدۀ امانکی ای سوکی ملت ...
قانه صوصامش دشمنز ایلدی صولت
هم ویرملی بز آل اله هم ایتلی غیرت
غیرت یاراشیر بزله عثمانلی بز آلت
بایرام کونیدر کوسترلم هایدی مسرت

طاغلمی طورور عزمنزه مرد متینز
اجدادمزنک وارثی بز خادم دینز
دین ووطنک حفظنه بر حصن حصینز
غیرت یاراشیر بزله عثمانلی بز آلت
بایرام کونیدر کوسترلم هایدی مسرت

انوار شجاعت صاچیلیرکن کوزلرمزدن
دشمن شاشیریر هیئت دهشتورمزدن
قان آقسه آچیلسه یارالر هر یرمزدن
غیرت یاراشیر بزله عثمانلی بز آلت
بایرام کونیدر کوسترلم هایدی مسرت

ارواح اوچوشور شوق ایله فوق سرمزدن
دنیا تتر پای ثبات آورمزدن
یاتسه قده کفنسنز اوله رق مقبرمزدن
غیرت یاراشیر بزله عثمانلی بز آلت
بایرام کونیدر کوسترلم هایدی مسرت

امین خاکی

واستملاکنه تشمیر ساق مکیدت ایله دکاری کبی بر طاقم واهی اسباب
درمیانیه حدود عثمانیه به ایکیده برده تحشید قوتله میال حرب وجدال
کورنملری ده هپ نور پاک اسلامی اطفاف مقصدندن باشقه برشی دکلدر.
ای عثمانلیق عنوان فاخریله اعلان مباهات ایدن عناصر اسلامیة !
شودرت کوچک حکومتک ظاهرده روم ایلی پی پارچه لامق کبی بر آرزوده
اولدقلری کورینورسده حقیقت حالده آلتیوز سنه لک بر حکومت
معظمۀ عثمانیه نک، ده آجینی ادیان سائریه عددجه بر غالبیت قاهره
کوسترن دین عالی اسلامک احسانه بر مقدمۀ مشئومه احضار ایدیلور.
فقط ای قلبری حب وطن و دین ایله عملواولان مجاهدین کرام، امین اولیکز که
اگر سز صبر وثبات ایدرسه کز، انشای حربده اللکززه دوشمن
دشمن دولترینک اختیار و درمانده رجائنه، نسواننه، اطفالنه
مرحمت ایدرسه کز، اوجانوار خونریز لک صیدان و مخدراتمزه ایتدکلری
دنات و فضاحتلرینه قارشو سز سجایای علویه اسلامیة بی اظهاره غیرت
ایدرسه کز؛ [الف یغلبوا الفین] نظم بلیغ صمدانینک صراحة
تبشیر ایله دیک اوزره بزم طابورمزنک آنلرک ایکی طابورینه، آنلرک
قوای مجموعه سنه بزم نصف به ادرمزنک غالب کله جکی محققدر.

ایشته بوندن امین اوله لم که مبارک وطنمزه اوزادملق ایسته نیلن ایدی
تسلط مبارزین امتک حسام قاطع جهانگیرانه سیله کسیاه جکدر.
وبوشانلی غایت اسلامیة ینه شرف جلوی تقرب ایتمکده اولان سال
جدید هجری نک - محرم الحرامی « الف یغلبوا الفین = ۱۳۳۱ » نظم
جلیل قهارانه سی اوزره پارلاق تاریخ اوله جقدر. بنابرین هر مؤمن
موحد مادر وطنک ناموس مبعجلی وقایده یکدل و متحد اولمالی
وبراطمشان تام ایله مظفریت قطعیة قریبه به - عون حقله - انتظار ایللی در.
(ان تنصروا الله ینصرکم و یثبت اقدامکم) فرمان تشجیع عنوان خدا
مقتضاسنجه صبر وثبات ایدلم. زیرا صبر وثبات موجب ظفردر.
والله خیر الناصرین.

کوریمجه لی

حافظ علی

تاریخچه

ایران تاریخچه انقلابی

— ۳ —

دور استبراده مأمورین و نظام.

مأموریت تجارتی و تولید ایتدیکی حقسنز لقلر — نفرسنز ضابطلر،
آلایسنز میر آلایلر — ایران قزاق لواسی.

وقایع انقلابیه نک تفصیلنه کیریشمزدن اول قبل المشروطیت
ایرانده حکمفرما اولان حکومت مستبدۀ نک نه کبی بر حالده اولدیغی
مختصر اولسه ده قارئلرمزه آکلامه بی فائده لی بولدی. بو خصوصده

ویره جکمز معلوماتدن محترم قارئلر منجه ایران احرارینک نه کی بر اصول اداره علمنه عصیان ایتدکلی آ کلاشیله جقدر .

۲۱۳ نومرولی «سبیل الرشاد» ده ایرانی تعریف ایدرکن ایران حکومت سابقه سنک «لایسٹل عمایفعل» ک نام معناسیله بر حکومت ظالمه اولدیغنی بیان ایلشدک . شمدی ایسه بر حکومت ظلمده مأمورین ملکیه وعسکرینه کیفیت وصلاحتلرینه عاڈ بر طاقم معلومات ویرمک ایسترز :

اوروپا ملتلرینک و آزچوق اوروپا اصول اداره سیله تدویر اولنان اوروپالی اولیان دیکر مملتکلرک بیلدکلی تشکیلات اداریه ایران دوره استبدادینه تمامیه بیانچی ر کیفیت ایدی . بوراده نه یازیلی بر قانون ، نه ده معین بر اصول ونظامه تابع طوتولان مأمورین وار ایدی . «بیورو» قرائیم «دیدکلی شیدن ایرانده بر نمونه بولاماز دیکر . مستبد ایرانده کی مأمورین دولت صدر اعظمین ، وزرادن طوته رق تا کوچک کوی آمرلینه قدره پی بر مستأجرلر ایدی . مقام وزرات ، حکومت ودیکر مأموریتلر لیاقت وسبق خدمات اوزرینه مستبد اولمایوب مزایده چیقاریلور ، هرکیم فضله ویرسه او تعیین اولونیوردی . بر اصول هر نه قدر رسماً اعلان اولونیور ایدیه ده فعلاً تطبیق ایدیلور ، بر چوق تعامل وسوابقه نظر آ آری آری مأموریتلرک مقدار تقدیمی تعین ایدیوردی . هر بر مواد تجاریه کی تقدیمیلرک پیاسه سنده ترقی وتزل کیفیتی وقوع بولیوردی .

وزرا ، حکام هر نه قدر رسماً فرمان شاهی اوزرینه تعین اولنیورلر ایدیه ده ، حقیقته بونلر ویردکلی پاره مقابله صدر اعظمک تجویزی اوزرینه مأموریتلرینی صاتین آلمش اولیورلر ایدی .

طبیعی بر چوق رقیبلره قارشلی مزایده یی قرانمش اولان بر وزیر خساراتنک نرمدن تضمین ایدیه جکلی بلیوردی . وزیر طرفدن تعین اولنه جق والیلر ، حاکملر وسائر مأمورلر دخی مأموریتلرینی «تقدیمی» مقابله آلق مجبوریتده ایدیلر . دیمک که وزیر آلدیغنی صاتیوردی . وهر بر تاجرکی ضررینه ده صاتیوردی . صوکره بر ولایتک والیدکنی آلمش اولان والی مقرر حکومتده کلدکه قضا ، قصبه وکوی مأموریتلرینی مزایده قویور ، جراج ایدیوردی . طبیعیدرکه اک صوکره بوتون بوتجارتلرک آجیسنی زواللی «رعیت» دنیلن اهالی چکیوردی . آمرینه تقدیم ایتمش اولدینی مبلغ معین مقابلنده ولایتی اهالیسیله برابر صاتین آلمش اولان مأمور اهالی بی صومغه باشلیوردی . بر صورتله سنه دن سنه اهالی اوزرینه تحمیل اولنان ویرکولر چوقلاشیور ایدی .

بویه بر اصولک شانندن اولان ظلم تعدی ارتشاحده غایه سنی بولیوردی . محلی مأمورلرک ظلمندن وقوع بولان شکایتلر مرکزی مأمورلر ، وزیرلر ، حتی شاهلرجه بیله نظر اعتنایه آلییوردی . آلمقده قابل دکل ایدی . چونکه اهالینک منافعی کوزه دیله جک اولورسه آرتق کیمسه والی اولمق اوزره کلیتی پاره ویرمن ، طوپدن مأموریت صاتان

«تجار» لرده زیان ایدرلردی . معین بر مدت ایچون معین برایاتی اجاره ایتمش اولان والینک مدت اجاره سی انقضا ایدرسه ، یاخود وزیرک ، شاهک غضبه اوغرایه رق عزل اولونورسه ، دیکر بر والینک تعینیه سابق والی طرفدن تعین اولان بوتون مأمورلر یکیدن تأمین مقام ایتک ، یعنی یکی مزایده ده داخل اولمق مجبوریتده ایدیلر . بوکا کورده ده هر بر مأمور کندیسنی موقت عد ایدره ک فرصتدن بالاستفاده ممکن ولدینی قدر فضله پاره طوپلامقندن باشقه دیکر برشی دوشو . نمیوردی . والیلر ، حاکملر تأمین مقام ایتک اوزره ایالت وولایتلرجه تعین اولونان ویرکولرک مقداری تیید ایتکه غیرت ایدیورلردی . هر بر ولایتک رسمی ویرکوسی اولان «مالیات دیوانی» سندن بشقه برده «تفاوت عمل» نامیه غیر رسمی ویرکوسی وار ایدی . بو غیر رسمی اولان تفاوت عمل ییلدن ییله تزیید ایدیوردی . حتی بر چوق مراکزده «تفاوت عمل» اصل ویرکویی قات قات کچیوردی . «تفاوت عمل» اسندن آ کلاشلیغنی کی بر والینک تقدیم ایتمش اولدیغیه دیکر بر والینک تقدیم ایتدی عاڈات محلیه نک تفاوتندن عبارت ایدی . اعلان مشروطیتدن صوکره «مالیات دیوانی» و «تفاوت عمل» نامیه ویرکواصولنده موجود اولان بوشائیت قالدیریلهر رق ویرکولر توحید ایدلدی .

اشبو مختصر تشریحندن آ کلاشلیغنی وجهله ایران مستبدلرنجه اداره مملکت آنجق جاب نقوددن عبارت ایدی . اما بوجلب نقود ، ملتی سفیل بر اقاچه ش ، حقوق بشریه دن تجرید ایدیه جکمش ، بونلری نظر اعتباره آلان یوق . ملتی سفیل بر اقق بلکه ده بر سیاست وحکمت حکومت اقتضاسندن ایدی . قاجار خاندانه منسوب شاهلردن برینک «بزم ادامه» حکومت ایتمه من ایچون اون اولک برا کسکه محتاج اولمه سی پک موافقده دیدیکی مشهوردر .

ایشته بوتون اقتدارلری فضله پاره ویره رک مأموریت آلان رجال دولتک بوتون مهارتلی ده ممکن اولدینی قدر اهالی بی فضله ضویه بیلدکدن عبارت ایدی . غایه بو اولدقندن صوکره ارباب مکنت و ثروتک کندی ملکیتلرندن امین اولاملری لازم کلیوردی . حقیقته اولیه ایدی . مختلف بهانه لرله اتهام اولونان تجارک املاک ونقودینک ضبط ومصادره ایدلیکی وقایع روزمره دن اولدینی کی ، الکخفیف مجازات ده مصادره اموال دن عبارت ایدی . بو خصوصده بالکز اهالی دکل ، مأمورلر دخی حائر امنیت دکل ایدیلر . کوچک بر مأمورلر بیوک بر والیه قدر هر کس هر دقیقه کندیسندن قوتلی برینک غضبه اوغرایه بیلیمک قورقوسیله لرزان ایدی . حتی صدر اعظملرک بیله بو خصوصه امنیتلری یوق ایدی . چوق اولوردی که اونلرک شاه طرفدن املاکی مصادره ایدیلیوردی وبوتون امتیازلری اللرندن چیقیوردی . خلاصه هر کس ده قوتایسنه آزیلیر ، ده ضعیفی آزیوردی . بونک نتیجه سنده ایران مدهش بر طاقم فاجیع ومظالمه صحنه اولیوردی .